



保嬰全書

二十

特別
64
83
20



門武 9
醫 8 3
卷 20 止



保嬰全書卷二十

明太醫院院使薛己著

小便不利

痘疹方云痘疹未出之先熱盛恐欲起驚小
便不利導赤散微解之熱入膀胱如有血淋
犀角湯初出不快小便赤色生聖散已出未
愈之間白朮散或五苓散加水通收靨之後
小便不利煩熱而渴猪苓湯竊謂前症當分

保嬰全書卷二十

痘

所因若小腸熱結用導赤散肝經熱用柴胡
麥門冬湯脾經熱用犀角湯肺經熱用生地
黃湯腎經熱地黃丸壓後氣血虛弱用八珍
湯中氣虛弱用五味異功散

一小兒小便不利口舌生瘡乾渴用導赤散
加味四物湯而膿貫又用白朮散去木香治
之而愈

一小兒小便不通口舌如靡作渴面赤左尺
脈數此膀胱熱結先用五苓散而小便利又
用地黃清肺飲參芪四聖散而愈

一小兒小便數而欠利面赤口渴兩足發熱
此稟陰虛也地黃滋腎二丸煎服用四劑而
愈又用地黃丸料加黃芪當歸而全愈

一小兒痘將愈小便不利服五苓散之類小
便愈少喘咳唾痰此脾肺復傷也先用補中
益氣湯二劑送滋腎丸却用補中異功二藥

而痊

入正散治下焦積熱大小便不通或小便淋

澀脉症俱實者

大黃

酒炒

車前子

炒

瞿麥

扁蓄

山梔

炒

木通

各一錢

滑石

煨二錢

甘草

一錢

右每服二錢水煎

滋腎丸

黃柏

炒黑

知母

炒黑各二兩

肉桂

二錢

右為末水糊丸

益元散治痘疹初起煩燥作渴小便不通

滑石

六錢

甘草

一錢

每服五六分白湯調下

導赤散治小腸實熱生瘡作渴發熱小便秘

赤或小便不利者

方見作痒搔破

柴苓湯治疹瀉小便不利

方見斑症

五苓散

茯苓

猪苓

白朮

澤瀉各等分

肉桂減半

右為末每服四分白湯調下

黃芩清肺飲

黃芩炒

山梔炒等分

右每服二錢水煎

生地黄湯

生地黄五錢

麥門冬七錢

杏仁去皮尖

款冬花

陳皮各三錢

甘草二錢五分

右每服二三錢水煎

紫草木通湯治痘疹出不快小便不利

紫草

人參

木通

茯苓

糯米各等分

甘草減半

柴胡麥門冬散

方見作痒抓破

犀角湯

方見頂陷心煩

生聖散

方見痘瘡出遲

加味四物湯

方見痘入目

白朮散

即七味白朮散

六味地黃丸

二方見發熱屬陰陽

痘便血或黑屎

聞人氏云痘瘡大便下血或黑糞若睡而不醒是為惡候乃內熱盛也用犀角地黃湯抱龍丸小柴胡湯加生地黃主之竊謂前症若

寒熱作渴小柴胡加生地黃發熱體倦用三味異功散加當歸口乾作渴用人參白朮散大凡作渴引飲發熱者屬實熱作渴飲湯手足不熱者屬虛熱手足逆冷者屬虛寒治者審之

一小兒出痘便血痘赤痛如錐或瘡內出血余謂肝火熾盛用小柴胡湯加生地黃一劑隨用犀角地黃湯一劑而痊

一 小兒痘瘡下血且不起發先君謂氣血不足用紫草快癩湯加參芪歸朮血頓止瘡頓起用八珍湯而愈

一 小兒痘瘡下血小便赤色瘡色如赭發熱飲冷二便不利先君謂心小腸實熱用八正散後用解毒防風湯及飲芹菜汁而痊

一 小兒痘疹便血倦怠作渴飲湯余謂倦怠便血脾虛下陷也少食作渴津液枯涸也用五味異功散加紫草而愈

一 小兒便血腹脹困倦身熱口乾飲湯四肢逆冷先君謂脾氣虛寒不能攝血用五味異功散加丁香炮薑二劑血止痘貫而靨

一 小兒痘將愈而便血面白惡寒大便欲去而不去余謂此元氣虛而下陷也用益氣湯不信服涼血之劑致吐瀉腹痛而歿

一 小兒痘將愈患便血面白惡寒手足竝冷

脉沉細如無余謂陽氣虛寒欲用人參薑桂
不從翌日而死手足青黑惜哉

解毒防風湯治痘瘡毒氣熾盛便血

防風

地骨皮

黃芪

白芍藥

炒

荊芥

牛蒡子

各等分

右每服四錢水煎或為末白湯調下

紫草快癍湯治痘疹下血不能起發出不快

色不紅活等症

即紫草湯方見頂陷心煩

聖濟犀角地黄湯治熱毒內蘊煩燥作渴面

色赤大便黑屎或神昏便血

方見痘作渴

小柴胡湯治肝經有熱不能藏血而便血

方見痘身瘰

五味異功散治脾胃氣虛不能統血而大便

下血

方見寒戰咬牙

八珍湯治氣血不能攝血而便血

方見頂陷灰白

八正散治心小腸有熱小便赤澀大便下血

方見痘小
便不利

七味白朮散

即人參白朮散
方見痘發熱

痘瘡焮裂出血

聞人氏云痘瘡大便不通小便如血或結癰
毒身痘破裂乃內火熾盛失於解利急用犀
角地黄湯小柴胡湯加生地黄四順飲之類
治之竊謂前症若心脾熱盛用犀角地黄湯
必肝熱盛用小柴胡湯加生地黄若大便不
通先用四順飲次用犀角湯若色赤焮痛二
便不通急用活命飲加硝黃若色赤焮痛惡
寒發熱用活命飲加麻黃若因乳母怒火用
加味逍遙散加味歸脾湯

一小兒痘根赤色寒熱作痛此肝經有熱也
先用加味小柴胡湯二劑諸症漸退又用加
味逍遙散一劑而貫膿未用八珍湯而靨
一男子痘根赤痛發熱作渴服紫草飲痘裂

出血余謂心肝二經風火相搏先用小柴胡湯加生地黃犀角二劑用聖濟犀角地黃湯而愈

一小兒患前症大便不利小便赤澀作渴飲冷先君謂腸胃實熱先用涼膈散一劑漸愈又用犀角地黃湯芹菜汁而痊

一小兒患此診乳母有鬱火用加味道遙散加味歸脾湯而痊同時患是症而用雜藥者俱致不救

涼膈散治上焦實熱煩渴面赤咽燥喉痛便溺赤澀狂言譫語睡臥不安

大黃

朴硝

甘草

連翹

山梔

黃芩

薄荷葉

各等分

右為細末每服少許煎竹葉蜜湯調乳母同服

加味清胃散

方見痘癰

加味道遙散

方見痘潮熱

犀角地黄湯

方見頂陷心煩

加味小柴胡湯

即小柴胡湯加山梔生地黃
方見痘身疼

八珍湯

方見頂陷灰白

聖濟歸脾湯

方見痘癰

痘衄血吐血

痘疹方云若痘發之際正直微見與發汗同

體然血與汗雖殊其源則一蓋痘疹乃穢血
所發邪結肺胃毒氣自然上越也若見此症
不可妄投以藥恐治失其宜瘀蓄者不出而
已出者復傷反生變症也若作渴飲冷手足
並熱此毒氣熾盛而血上溢也宜用聖濟犀
角地黄湯若肺經熱毒而鼻衄用地黃清肺
飲胃經熱毒而吐血亦用聖濟犀角地黄湯
若腸胃熱毒而便血亦用之作渴飲湯手足

不熱者脾肺氣虛不能攝血而妄行也宜用
五味異功散若出血作渴煩燥面赤色者血
脫也宜用當歸補血湯

一小兒出痘三四日大便下血日有數滴至
八日不能止瘡不能起御醫錢春林謂其脾
氣虛寒用木香散二劑加丁香十一粒人參
五錢次日痘起有膿由是血止二十餘日而
愈

一小兒痘瘡紅活但不時作瘁口渴便血面
赤先君謂腸胃有熱用聖濟犀角地黄湯加
柴胡一劑諸症漸退用四君加當歸紅花而
愈

一小兒痘瘡赤痛煩熱作渴或便血衄血先
君用犀角地黄湯而血止又用紫草快癩湯
而痛愈後瘡痕色白用四君黃芪當歸而痊
一小兒衄血右寸脉數此肺金有火也用瀉

白散而血止但四肢倦怠用益氣湯而愈
一小兒痘痛赤色吐血發熱此胃經熱毒也
先用聖濟犀角地黄湯諸症漸愈又用五味
異功散而痊

一小兒痘後衄吐面色黃白因脾肺氣虛弱
用麥門冬散而愈後因勞衄血發熱痘痕赤
色用四君歸芪而衄止用五味異功散而熱
退

一小兒痘後衄血發熱則痕赤熱止則痕
此脾胃氣虛也朝用補中益氣湯加乾薑夕
用五味異功散加當歸而愈

一小兒痘後衄血頭暈唇白惡心此中氣虛
而清陽不能上升也用補中益氣湯加蔓荊
子稍愈去蔓荊子又數劑而痊

一小兒痘後非衄血即便血痘痕赤白靡定
手指冷熱無常余謂此元氣虛而無根之火

倏往忽來也朝用補中益氣湯夕用五味異
功散各二十餘劑而愈後因勞心復發仍用
前二藥為主佐以十全大補湯而愈
瀉白散

桑白皮炒

甘草

地骨皮

右每服二三錢水煎

人參竹葉湯治虛煩不得寐或兼自汗

人參

竹葉

甘草各二錢

半夏二錢五分

麥門冬各二錢

右每服二三錢薑二片粳米一撮水煎服

八珍湯

十一味木香散

二方見頂陷灰白

五味異功散

當歸補血湯

二方見寒戰咬牙

紫草快癩湯

方見便血屎黑

四君子湯

即六君子湯去陳皮半夏方見不靨悶亂

十全大補湯

方見腹脹氣促

痘煩燥

東垣云火入於心則煩入於腎則燥皆心火為之蓋火旺則金爍水虧故心腎合而為燥也宜用梔子豆豉湯凡痘瘡盛作之時必令心火有所導引苟或毒氣出而未盡遂生煩燥以生黑豆煎湯或生犀磨汁飲之亦可若津液不足虛煩不得卧者活人酸棗仁湯此症多因脾胃氣虛或服剋伐之劑所致但當調補中氣為善

一小兒患此飲冷不止或作脹痛余謂胃火所致用犀角地黄湯芹菜汁而頓愈

一小兒煩燥作渴飲冷不止先君謂脾胃熱毒用犀角地黄湯而愈後復作喜飲熱湯面目赤色用當歸補血湯而痊惟倦怠少食用白朮散而愈

保嬰全書卷三
一 小兒貫膿之際煩燥不寧肝脾脉數用聖濟犀角地黄湯一劑稍止用八珍湯加牡丹皮而止又二劑漿漸貫却用內托散倍用參芪歸朮而靨

一 小兒痘將貫膿煩燥面赤脉數大而虛此氣血虛也先用參芪四聖散又用當歸補血湯而愈

一 小兒出痘煩燥作渴面赤口乾脉洪而大按之無力兩尺為甚此稟腎不足陰虛而火動也用大劑地黄丸料加五味子煎與恣飲諸症頓減乃佐以補中益氣湯二劑痘齊乃用參芪四聖散而靨

一 小兒出痘煩燥作渴飲湯面目赤色脉數無力兩尺為甚此稟足三陰虛也用益氣湯及地黄丸料加五味子大劑始末服而靨

一 男子出痘煩燥作渴虛症不能悉舉先君

用益氣湯地黃丸料加五味子各三十餘劑
更用人參五觔煎湯代茶飲兩月餘而靨又
用參芪歸朮各數斤半載始能步履得元氣
充實且慎調攝而痊

一小兒十五歲痘將愈而煩燥脉數而無力
勞則益甚且無寐或驚悸余用歸脾補中二
湯漸愈後因勞仍作或用四物化痰之劑前
症益甚更發熱惡寒頭暈而歿

一小兒痘愈後煩燥面赤脉洪大按之如無
余謂血虛朝用補中湯夕用歸脾湯將愈因
飲食過多功課勞心吐瀉腹痛頭暈惡寒反
服藿香正氣散發熱如炙汗出如雨手足並
冷而歿

活人酸棗仁湯治痘疹虛煩驚悸不得眠

酸棗仁

炒

甘草

炙

知母

炒

白茯苓

麥門冬

去心

川芎

乾薑

炒各三分

右水煎温服兒大倍之

梔子豆豉湯

山梔 四箇

豆豉 兩半

右水二盞先煮梔子一盞內豆豉煎至七分去滓温服得快吐即止後服

當歸六黃湯治血氣不足虛火內動或煩燥

盜汗不止

當歸

熟地黄

黃芪

黃栢

已下俱炒黑

黃芩

黃連

生地黄

右每服三五錢水煎

八珍湯治氣血俱虛或用剋伐之劑脾胃虛

損肌肉消瘦發熱惡寒飲食少思等症方見

頂陷灰白

補中益氣湯

當歸補血湯

二方見寒戰咬牙

六味地黄丸

方見痘發熱屬陰陽

聖濟犀角地黄湯

方見頂陷心煩

內托散

即托裡散
方見痘癰

七味白朮散

方見痘發熱屬陰陽

痘腹痛

婁全善先生云痘腹痛多是熱毒為患當臨症消息之又云痘出腹痛或身痛脉洪數者

用解毒涼藥加芍藥甘草竊謂前症若痘未出而發熱煩燥或作渴飲冷大便堅實此熱毒壅滯也用疎利之藥若痘已出而不熱燥不飲冷大便不實此元氣虛弱也用白朮散之類補之若噯腐吞酸大便穢臭乳食停滯者用保和丸消之凡腹痛作渴飲冷手足並熱者屬實熱作渴飲湯手足並冷者屬虛寒虛寒者當溫補脾胃虛弱者當調補脾胃

一 小兒善食作渴腹痛便秘痘痕赤色先用
加味四物湯而愈後仍痛惡食此脾胃受傷
用白朮散而痊

一 小兒痘將靨腹脹發熱面赤午後益甚按
其腹不痛余謂脾虛用五味異功散而痊

一 小兒出痘腹痛大便似痢寒熱往來余以
為脾氣虛用白朮散而痊

一 小兒出痘腹痛作渴飲食如常光澤紅活
此胃經實熱先用瀉黃散一劑頓安又用白
朮散而痊

一 小兒痘後腹痛作渴飲冷便秘用清涼飲
未五分頓安後腹痛吐瀉發搐用白朮散加
釣藤鈎而愈

一 小兒出痘腹痛噯腐吞酸此飲食停滯先
用保和丸二服續用五味異功散而痛止又
用托裡散而靨

人參理中湯治脾胃虛寒胸膈痞滿或心腹
疼痛痰逆嘔吐少氣或霍亂吐痢手足厥冷
不喜飲水加附子理中湯名附子
理中湯

人參

白朮

乾薑

炮各
等分

甘草炒減
半

右每服三錢水煎或研末白湯調下

一味異功散治小兒諸般釣症角弓反張胸
膈臍凸以透明沒藥為末薑湯調下

食或肺虛咳嗽氣促惡寒或肝虛驚搐肢

暈自汗諸症並宜服即四君子湯加陳皮

半夏方見不瀝悶亂

瀉黃散方見 醫後發熱咽痛不利

五味異功散方見寒戰咬牙

聖濟犀角地黄湯方見頂陷心煩

托裡散方見痘癰

四物湯方見痘瘡出遲

清涼飲

方見痘大便不通

痘腰痛

經曰腰者腎之腑若痘瘡而見前症者皆因腎經虛怯相火內燥真陰不能勝邪故腰作痛也急服地黄丸以防變黑歸腎乃克有濟大抵此痘因稟賦腎家精氣不足故目睛多白俗謂之拆腰痘是也若平素面白眼白睛多行遲語遲者出痘必歸腎經預為調補腎

桔梗枳殼湯治氣壅痞結腹脇疼痛

桔梗

枳殼

炒各一兩

甘草 炙

右每服二三錢薑水煎

七味白朮散治肚腹作痛和胃氣生津液若脾胃氣虛作渴飲湯或因吐瀉津液虧損煩渴引飲或脾胃氣虛腹脹瀉渴弄舌流涎手足指冷並宜服之以溫補脾氣化生津液 方見發熱屬陰陽

保和丸治飲食停滯腹痛或惡寒發熱不可多服

神麴炒

山楂

半夏

茯苓

陳皮各一兩

連翹

蘿蔔子各五錢

右為末粥飯丸小豆大每服二三十丸白湯送下化服亦可加白朮名大安丸

六君子湯治脾胃氣虛肚腹作痛或吐瀉不

氣庶免此患

一小兒十三歲眼睛多白或時面赤常患頸痛尺脉洪數先君謂稟腎氣虛用地黃丸料煎服而愈至十五歲出痘先君云須多服前藥仍用地黃丸益氣湯更作倦怠乃以地黃丸大劑煎與恣飲又用大劑八瓠湯痘漸出如式恪服前藥至暮歲二藥計十七斤餘而愈先君每見嬰兒白睛多面色白或色赤令

其預補脾腎以防出痘但信者少耳

一小兒出痘腰痛足熱發渴此稟腎虛火動也先君用大劑加減八味丸料煎與恣飲諸症漸退佐以大劑八瓠加紫草糯米數劑膿漸貫仍用前藥而結痂用八瓠湯而靨

一小兒出痘將愈因停食泄瀉作渴腰痛此脾腎虛弱也先君用加減八味丸料及五味異功散渴瀉頓止又與六味丸料及八瓠湯

而靨

一小兒出痘愈後腰足作痛此稟足三陰虛也用六味丸料煎服及補中益氣湯而愈後因傷食作瀉腰痛用四神丸六味丸而愈

一小兒面色常白目睛多白時常腰痛兩足時熱冬不衣綿年九歲先君謂稟腎虛令每日服地黃丸至十歲出痘腰痛發渴面赤飲冷用地黃丸每劑加肉桂半錢煎與恣飲數

劑之後熱渴頓止腰痛頓愈却去肉桂仍與服之至五十餘劑而醫

一小兒痘愈後腰痛口渴兩足生瘡飲水不絕此稟足三陰虛先君用地黃丸益氣湯至畢姻後不慎起居復患瘰癧以致不起

一小兒面素白發熱作渴或面生瘡先君謂腎虛用加味地黃丸補中益氣湯而愈後出痘腰痛仍用前藥而痊次年畢姻患腎痿而

卒

加味地黃丸

熟地黃

酒浸蒸丸晒乾八兩酒拌杵膏

山茱萸

肉

乾山藥

五味子

炒各四兩

澤瀉

白茯苓

牡丹皮

鹿茸

炙各三兩

肉桂

厚者去皮取肉一兩發熱者以此加之引虛火歸腎經而熱自止也

右各另為末入地黃和勻量入米糊丸服

煎服更好

六味地黄丸

方見發熱屬陰陽

五味異功散

補中益氣湯

二方見寒戰咬牙

八珍湯

方見頂陷灰白

八味丸

即六味丸加附子肉桂各一兩
方見痘作渴

二神丸

四神丸

二方見痘作渴

痘面青

聞人氏云痘疹屬火症其面色赤者為順甚者為熱若肝木剋制脾土致面色青者是為逆也急用四君升麻柴胡調補脾胃色正總治竊謂前症若傷食而嘔吐搐搦脾氣受傷而瀉利搐搦或厥逆皆慢脾風之漸也用人參理中湯加柴胡釣藤鈎治之或有少誤多致不起若有痘毒內外鬱蒸發出遇風寒相搏凝滯於肌肉遍身皮膚青色者用透肌散

胃傷則生風嘔吐脾傷則生風厥逆用五味異功散加天麻若瘡密熱盛便秘飲冷面赤者用犀角解毒散貫漿之後發熱煩躁作渴面赤者用當歸補血湯足熱腰疼目睛赤者地黃丸皆要法也

一小兒痘瘡紅活起發因飲食過多吐瀉腰痛唇面青色手足並冷此脾胃虛寒而受尅也先君用六君薑桂一劑前病不退痘色欠

赤再劑加附子二分諸症頓退翌日用參芪四聖散二劑將愈更用八瓊湯內參芪各五錢四劑而靨

一小兒出痘飲冷過多腹痛面青手足並冷此寒邪傷脾而虛寒也用附子理中湯一劑而痛止用人參一兩薑一錢二劑而膿貫又用人參煎湯代茶與飲月餘而靨

一小兒出痘面青腹痛手足並冷此脾氣虛

寒也先用五味異功散加木香肉桂又用內托散參芪四聖散貫膿痂屬

一小兒出痘面青腹痛手足並冷此脾土虛寒也先服益黃散末三錢再以六君子木香而安又傷食作瀉面青用五味異功散而痊
一小兒出痘面色青手足冷此寒水侮土非十二味異功散不能救不信乃服疎通之藥歿而遍身皆青悔無及矣

六君子湯

四君子湯 二方見不瀝悶亂

人參理中湯 加附子名附子理中湯 方見痘腹痛

五味異功散

當歸補血湯 二方見寒戰咬牙

內托散 即托裡散 方見痘癰

十二味異功散 方見頂陷灰白

參芪四聖散 方見腹脹氣促

六味地黄丸

方見發熱屬陰陽

犀角地黄湯

方見頂陷心煩

痘痕赤白

痘痕赤白各有所因治法亦異九痕赤而作痒血虛而有熱也用四物牡丹皮赤而作痛餘熱也用四君連翹金銀花若發熱而大便調和者脾胃虛熱也用五味異功散若發熱而大便秘結者腸胃內熱也用聖濟犀角地

黃湯若母有肝火用加味逍遙散若母有鬱怒用加味歸脾湯佐以加味逍遙散治之痕白者多屬氣虛而血衰也宜固元氣為本痒而作渴者氣血俱虛也十全大補湯之類乳食減少四肢倦怠者中氣虛也五味異功散之類氣虛發熱者補中益氣湯之類血虛發熱者當歸補血湯之類須參無變之証治之此症若服藥而漸紅活者可治色不轉者不

治雖經年後多患瀉利而死若妄投攻伐禍
在反掌

一小兒痘瘡如期而愈痕赤如赭余謂此乳
母有熱也診之果有肝脾鬱火先用加味道
遙散四劑與母服之子各飲少許而並愈

一小兒痘痕色赤作痛熱渴喜冷大便不利
先用前胡枳殼散便利渴止再用聖濟犀角
地黃湯而安又用芹菜汁而靨

一小兒痘痕色赤大便不利小便赤澀作渴
飲冷此上焦實熱也先君用瀉黃散一劑頓
愈又用濟生犀角地黃湯及芹菜汁而痊

一小兒痘愈而痕赤作痛內熱作渴二便不
利先君謂胃經熱毒用濟生犀角地黃湯及
芹菜汁而痊

一小兒痘痕色白時痛時痒作渴飲湯大便
稀澹此脾胃虛熱也用五味異功散加當歸

黃芪而瘥

一小兒十六歲痘痕白用獨參湯數斤色漸如舊又用地黃丸大補湯而安

一小兒痘後因母怒痕赤時或作痛先用加味小柴胡湯加味逍遙散治其母而愈

一小兒因乳母食膏粱之味痘痕色赤用清胃散治其母而兒自愈

一小兒痘痕色白作痒發熱大便不實用藥不應余用五味異功散每劑用人參一兩四劑之後其熱稍退仍用前藥兼服四神丸而愈

一小兒痘痕白色時或作痒先君謂氣血俱虛不信反服解毒之藥後變慢脾風而歿一男子患此色白作痒搔破膿水淋漓惡寒體倦余謂脾肺氣虛不信反祛風散毒果發搐而死

一 小兒患此惡寒發熱或痒或痛或白或赤
余謂氣血俱虛不悟反降火祛風發瘥而死
一小兒痘痕色白服尅伐之劑致瀉不止余
謂此脾氣下陷也不信果歿遍身如白傅粉
信氣虛矣

葛花解醒湯治乳母酒醉後乳兒遺熱為患

白豆蔻 砂仁 葛花各五錢
乾生薑 白朮炒 澤瀉

神麴炒黃各二分 白茯苓 陳皮

人參 猪苓 木香各五分

青皮三分

右為末每二錢白湯調服

四 順清涼飲治血脉壅實臟腑蓄熱頰赤作
渴五心煩熱睡卧不安四肢驚掣或頭面
生瘡目赤咽痛痘疹餘毒方見大便不通

四君子湯方見不壓悶亂

加味逍遙散

方見痘潮熱

獨參湯

十全大補湯

二方見腹脹氣促

四物湯

方見痘出遲

犀角地黄湯

即聖濟犀角地黄湯
方見頂陷心煩

前胡枳殼湯

方見痘涕唾

瀉黃散

方見痘渴瀉

六味地黄丸

方見發熱屬陰陽

五味異功散

方見寒戰咬牙

聖濟歸脾湯

清胃散

二方見痘癰

痘瘡

王海藏先生云痘疹初出後聲音洪亮形病而氣不病也痘疹未發聲音不出形不病而氣病也瘡疹既發聲音不出形氣俱病也宜用八風湯或涼膈散去硝黃主之竊謂前症

若心火上炎刑燬肺金者宜用人參平肺散
若津液不足虛火薰蒸者宜用六味地黄丸
凡小兒面素白善哭足熱腰痛或解顱面白
黑睛淡者出腎虛痘面青善怒或兩頤赤者
出肝脾虛也蓋邪之所湊其氣必虛當預為
調補若在乳下尤當補其母及慎飲食起居
為善此余之親驗者也

一小兒仲冬出痘呻吟煩燥嗽痛作渴音啞

種實先君謂心肺實熱之症令急與水飲之
遂恣啜始定大便稍和更食梨子數枚得生
夫梨者利也能令人作瀉今食之而安乃內
有實熱而應用也

一小兒痘愈而聲瘖面赤足心發熱小便赤
少先君謂腎經虛熱用地黃丸益氣湯而愈
其時患是症者用清熱解毒之藥俱致不起
一小兒痘愈而聲瘖面白兩睛多白兩足發

熱作渴飲湯脉浮數左尺更數而無力余謂
稟腎經陰虛朝用益氣湯夕用地黃丸加五
味子兩月餘聲漸出又脈兩月餘而愈

一小兒出痘聲瘖脉息如前余用前藥治之
聲漸復清又飲食過多泄瀉復瘖朝用益氣
湯夕用異功散地黃丸聲始如舊

一小兒痘後聲瘖半載以為廢人余詢之但
云頭暈其聲即瘖懸浮而緩按之不及兩寸

此中氣虛不能上接清陽之氣耳用補中益
氣湯地黃丸俱加五味子不半載聲音漸復
一男子痘後患瘖惡寒體倦勞則頭暈余謂
元氣虛而不能上升不信乃服清痰降火之
藥而歿

一小兒十四歲痘後勞而喉瘖頭暈脉洪數
而無力惡寒發熱大便欲去而不去余謂元
氣下陷也宜用益氣湯不悟乃雜用疎導之

藥泄瀉不止而歿

八風散

即八風湯

藿香

半兩
去土

白芷

一兩

前胡

去蘆
一兩

黃耆

二兩

甘草

炙二兩

人參

二兩

羌活

三兩

防風

三兩

右為末每服入薄荷少許煎湯調服

涼膈散

方見痘瘡癩裂

人參平肺散治心火尅肺金而聲瘖

方見煩

六味地黄丸治腎虛聲瘖

方見發熱屬陰陽

補中益氣湯治中氣不足不能上接清陽之

氣而瘖

五味異功散

二方見寒戰咬牙

痘瘡痛

王海巖先生云痘瘡出而頭痛用木香五味
主之更用芒硝為末以猪膽汁調敷之若身
後痛屬膀胱經也用羌活荆芥甘草湯身

痛屬肺經也用升麻葛根紫草湯身側痛屬
膽經也用連翹防風湯四肢痛屬胃經也用
防風芍藥甘草湯以急止之蓋恐叫號傷氣
忍痛傷血而變症也若熱毒盛者用東垣消
毒散或仙方活命飲食鷄魚葡萄酒物者用
東垣清胃散生犀汁若發熱飲冷大便調和
用四物連翹牡丹皮若發熱飲冷大便秘結
脾胃實熱也用清涼飲若發熱作渴飲湯者
脾胃虛熱也用七味白朮散大凡痘切不可
食毒物恐作痛致傷元氣輕者反重重者難
治大人亦然

一小兒痘瘡作痛色赤飲冷此熱毒熾盛也
用活命飲末二服痛止用東垣消毒散一服
諸症悉退而瘡若非此藥必作疔毒之類
一小兒痘焮痛出血診其母有肝火用小柴
胡湯加山梔生地母子服之頓愈又用加味

逍遙散而痊

一小兒痘痛不止色淡欲陷此痛傷元氣也先用仙方活命飲一劑而痛止用八珍湯而

靨

一婦人時疫將愈出痘發熱體倦痛甚昏憤飲湯脉洪數按之如絲用十全大補湯調硃砂末一錢二劑其痛頓止食進體健仍用前湯十餘劑而愈

一男子痘瘡痛甚先用仙方活命飲一劑其痛頓止又用東垣消毒散一劑精神如常而

靨

一小兒痘瘡痛甚脉有力此邪氣實也用活命飲末二錢痛止起發又用東垣消毒散而靨

一小兒痘赤痛用活命飲末二錢痛止用當歸黃芪金銀花將愈用四君當歸芍藥而靨

一小兒痘赤痛發熱飲冷大便不通脈洪數而有力用活命飲加大黃一服痛赤頓減更用東垣消毒散一服如期而愈

一小兒痘瘡紅活焮痛作渴飲冷手足並熱余謂此痘屬形病俱實非清熱解毒不能殺其勢當用活命飲化斑湯不信另服鼠粘子湯痘焮脹大其色如赭先用前藥二劑腫痛悉止乃用鼠粘子湯而愈

一小兒痘瘡焮痛服鼠粘子湯之類患痘瘡三枚甚苦用隔蒜灸服活命飲痛止貫膿又用東垣消毒散而靨

一小兒遍身發熱兩足猶甚作渴飲湯脈洪數而無力此稟腎經虛熱也用地黃丸料加當歸黃芪大劑煎與恣飲三日服數劑熱渴全止又數劑而愈

一小兒痘瘡熱痛服敗毒藥四肢患痘癰寒

熱發渴余謂當補元氣不信果歿

木香五物湯治出痘煩痛

青木香四兩

丁香一兩

薰陸香

白礬各一兩

麝香一錢

右每服五錢水煎熱盛加犀角一兩施銀

臺常用此方其効如神

鼠粘子湯治痘瘡欲出未透皮膚發熱眼赤

心煩咽痛不利等症減地骨防風名消毒散

鼠粘子四錢

炒杵荆芥二錢

甘草

防風五分

地骨皮一錢

右為末每服一二錢白湯調下

仙方活命飲治痘瘡焮痛熱盛者服之頓衰

勢弱者服之頓愈真聖藥也

東垣清胃散

托裡消毒散

三方見痘癰

東垣消毒散

方見夾疹痘一名救苦湯

射干鼠粘子湯 方見痘咽痛

羌活荆芥甘草湯 即此三味等分

柴胡山梔連翹防風湯 即此四味等分

連翹防風湯 方見痘疔

防風芍藥甘草湯 即此三味等分

化斑湯 方見水痘麻疹

清涼飲

消毒散 二方見大便不通

四聖散 方見痘出不快

犀角消毒散

隔蒜灸法 二方見痘疔

痘身疼

經云痒則為虛痛則為實內快外痛為外實
內虛外快內痛為內實外虛今痘瘡身痛者
是膚厚理密或外寒相搏或熱毒內作或血
虛不能榮養若熱毒而血瘀者先用活命飲

次用東垣消毒散血虛而瘀者用四物湯之類遍身齒而色黑者毒氣壅滯而血凝也乃是危症若二便秘結喘急煩躁用梔子仁湯或猪尾膏血調片腦治之自利不食者不治一小兒痘未發遍身作痛余謂熱毒勢盛先用仙方活命飲一劑痛緩痘出用東垣消毒散一劑末用四聖散而靨

一小兒痘未出透遍身作痛此熱毒鬱滯而未盡發於外也先用活命飲一劑而痛愈是參芪四聖散而結靨

一小兒痘瘡遍身作痛用東垣消毒散而痛愈用紫草快斑湯而膿貫用托裡散而愈一小兒痘癰肢體作痛發熱惡寒此氣虛而寒邪客于表也用人參羌活散而表解用參芪四聖散而起發用參芪內托散而膿潰一姪婦發熱作渴遍身疼痛用活命飲二劑

諸症稍愈形氣甚倦用紫草木香散痘出少許用白朮散貫膿而愈

一小兒出痘根窠赤痛發熱作渴痘裂出血肝火熾也用小柴胡湯加生地犀角諸症頓減又用聖濟犀角地黄湯而結痂

黃芪六一湯治痘瘡氣虛作渴愈後作渴尤宜服之

黃芪 灸六錢

甘草 灸一錢

水煎服

參芪四聖散

參芪內托散治痘瘡疼痛或裡虛發痒或不潰膿或為倒靨等症

小柴胡湯 加牡丹皮生地黃 治發熱惡風身

痛或四肢勁強寒熱往來 方見斑症

紫草快斑湯 方見便出血或黑尿

七味白朮散 方見發熱屬陰陽

四物湯

方見痘出遲

八瓊湯

聖濟犀角地黃湯

二方見頂陷心煩

仙方活命飲

托裡散

東垣消毒散

三方見夾疹痘

五苓散

方見小便不利

制附子法

將附子重一兩三四錢有蓮花瓣頭圓底平者先備童便五六碗將附子放在灶上熱處或炭火烘炙乘熱投童便中浸五七日候潤透揭去皮切四塊用粗紙濕裹數層埋灰火中煨俟熟取出切片如有白星瓦上炙至無星為度如急用切大片用熟瓦炙熱亦可

五十二
曾野天中
日刺
燦
平
科

保嬰全書後序

去六
則醫
周禮
比邪
馬而

獸損損靡不至醫齒掌之
獨不列所謂嬰兒醫齒以
齒雕麟趾仁及昆歧嚙息
顧於保赤子練邪烏犀
維謂仁政之闕一可也後
世遺齒多專以術者秘授

者以其所神解者為方
書者有素真玉函之類彬
一家言亦盛矣而小兒
方者則顛顛瘕疹之好
不多見自古來易言已
字余今乃得觀保嬰內

外篇蓋薛氏之傳富於
俞扁而中丞趙公裒而
刻之也仁邁周南可以
彛
軒農輔元命綢我

國
家蕃育生、澤至廣遠
云夫嬰兒有歎無言有

知無意其為病易感而
難脈又匪可以參兩於
藏占脈於神志為也彼
薛氏所著書內方探元
命陰陽虛實之變又其法
術本以攝標行方極崇術

輕重濟食之原其法御
表而培裏意燭於衆品
之行方纂於內典之常
而效奇於咸陽之市閭
所券記蓋與世來存活
以百千數之薛氏之仁激已

顧八方五氣異產貴人寔
夫異居鮫室之涸狎於魚
龍席圈之券侮於犀兕
感因氣病因感變益不
勝詰者嬰兒能自感乎
護之過誠之弗時父若母

較多責焉古者娠而教之
胎斯拔本與若徒以彼其
方庶幾萬全不將馬服子
邪微乎微乎有仁義節
制之師通於醫國矣茲刻
也俾窮方者知病在病在

知愛善者知本思深
哉中取云其布云也衛
康叔之誥也如是淺言之
乍見孺子故可充而回海
君子為國友亦曰慈在祈
以使衆嬰之謂也非邪允

保之象魏其方書之彝
訓其昭文淑乎余不敏忝
行龍縣從中丞公以鎮
接簡惘慙自身相忤忤
乎唯是羣嬰若弗獲
全聖也予日之不易觀是

方馬滋感爰敘諸末簡
以質予公公名可懷別號
寧字為蜀巴郡人 昔
萬曆甲申春正月阮望
之吉

賜同進士出身文林郎也

按福建學宗師史洪
義烏日池主人龍興一清
季白撰



